

Invitasjon til

## HUSFLIDSUTSTILLINGA - Tevling i handverk & design

**Dyrsku'n 13. - 15. september 2024**

*Den nasjonale tevlinga i husflid, handverk og design – Tevling i handverk & design* vert arrangert i Seljord av Dyrsku'n Arrangement AS og Vest-Telemark Museum i samarbeid med Norges Husflidslag. Tevlinga er den største i sitt slag i landet, og vert i år arrangert for 59. gong. Husflid og handverk er viktige pilarar i arrangementet, og vi er stolte av å både kunne oppretthalde og vidareutvikle Husflidsutstillinga på Dyrsku'n.

Tevlinga har desse kategoriene; tekstil, tre, sylv, kniv, smiing og keramikk og har som mål å ta vare på både tradisjon, nyskaping, kvalitet, breidd og mangfold. I tillegg ynskjer me å bidra til ei auka rekruttering til husflids- og handverksfaga. Der er av denne grunn oppretta eigne rekruttklassar for elevar, studentar, lærlingar og andre som er i ein form for læresituasjon. Dommarane legg spesiell vekt på å vere gode rådgjevarar, og det er stilt krav til dommarane om å komme med konstruktive tilbakemeldingar på vurderingsskjemaet. Det er viktig at du som utøvar får gode konstruktive kommentarar på arbeidet.

Vedlagt fylgjer skjema for påmelding med reglement og rettleiing, samt ei brosjyre med informasjon. Vi håpar at mange vil sjå verdien av å delta. Sprei gjerne bodskapen i ditt nettverk.

Vi gjer merksam på at det må sendast inn eitt skjema pr. innsendte produkt. Informasjon om gjeldande kategoriar og klasser finn du i rettleiinga for utfylling av påmeldingsskjemaet, samt i brosjyra. Skjemaet for påmelding er og å finne på [Husflidstevlinga - tevling i handverk & design - Dyrsku'n \(dyrskun.no\)](#) der du finn ein versjon i PDF-format for utskrift og manuell utfylling. På heimesida vår finn du og anna nyttig informasjon om Dyrsku'n og husflidstevlinga.

**Frist for påmelding og innlevering av produkt er fredag 16. august.**

**NB: påmeldingar som kjem inn etter fristen vert ikkje med i tevlinga.** Difor oppmodar me til å vere ute i god tid.

Følg oss gjerne på [Instagram @husflid\\_handverk\\_design\\_dyrsku](#) • og bli med i [facebookgruppa «Husflid, handverk og design på Dyrsku'n»](#).

**Velkommen som deltakar på tevlinga!**

Ved spørsmål, ta kontakt med:

**Dyrsku'n Arrangement AS** Vilde Vosgraff | mobil 472 38 213 | vv@vtm.no Vest-Telemark Museum | Prosjektleiar Husflidsutstilling

**Norges Husflidslag** Evelyn Utigard | mobil 416 85 397 | evelyn@husflid.no | Husflidkonsulent avd. Telemark